



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Hatecke, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publichar arrandschamaints han seguaintas pussibilitats:

- a) Mas-chalch da Sent : tenor infuormaziuns sülla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => "Allegra das Veranstaltungsmagazin" => Veranstaltungen erfassen opür
<https://www.engadin.com/de/planen-buchen/allegra-veranstaltungsmagazin>
Quellas occurrenzas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan piazzats adüna la gövgia illas chaistas nairas.

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>
Ingüna reservaziun da piazzas - la chascha es averta ün'ura avant il concert.

The Nearness of Dreams

Dumengia, als 28 gün 2026, a las 17:00, CHF 25

Jazzpiano-Trio-Tradition cun Adrian Frey, Patrick Sommer e Tony Renold.

Fö sonor da stà

Dumengia, 5 lügl 2026, a las 18:00, CHF 25

Annika Starc – violina, Eva-Maria Burkhard – violoncel, Simon Nádasi – orgel / clavazin

Pablo de Sarasate: Introduction & Tarantelle

Claude Debussy: trio in g-magiur

Gabriel Fauré: Papillon op. 77

Felix Mendelssohn Bartholdy: trio in d-minur nr. 1 op. 49

La Triada**Marcurdi, 15 lügl 2026, a las 17:00, collecta***Concert public i'l rom dal Cuors Rumantsch Scuol*

La Triada:

Corin Curschellas, Ursina Giger, Astrid Alexandre

Il trio vocal chanta chanzuns popularas rumantschas, as lascha inspirar dad otras culturas e replich a tradiziun cun elemaints contemporans.

Clavazin – virtuos!**Dumengia, 19 lügl 2026, a las 20:30, CHF 25**

Pervez Mody – clavazin

Cun seis möd da sunar virtuos e sentimental ha Pervez Mody persvas fingià suvent. Quist on dudina ün program captivant cun oubras ardaintas e profuondas, cuntschaintas e rars, da l'America dal Süd e dal Nord, sco eir da l'Europa.

chantar, chantaiva, chantà**Dumengia, 26 lügl 2026, a las 20:30, collecta**

Octet vocal «SOL & CIEL»:

Dorothea Christ, Isabelle Kleisl – sopran, Isabelle Tschanz, Magali Gummy – alt, Eric Cogniat

Jean-Numa Grau – tenor, Fabien Moulin, Jacques Gummy – bass

Ün büfè sgiaglià da chant cun chanzuns, songs da folk e melodias da swing. Il program pluriling preschainta chants da differents stils e differentas epocas, dal 16avel tschientiner fin hoz.

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>**Galleria e bar-café / Galerie und Bar-Café****mardi e sonda / Dienstag und Samstag****17:00 -19:00****Nus ans allegrain da Lur visita!****Exposiziun: Vettas**

Purtrets, collaschas ed ogets da Tina Planta-Vital.

Tina Planta-Vital, artista autodidacta, es uriunda da Sent e viva a Fuldera in Val Müstair.

Sias lavuors sun multifarias. Quai as muossa impustüt illas collaschas. Pelplü sun integrats differents materials: palperis, chartun, lain, metal o stoffa. Robas da tuot gener, chattadas illa natüra o in seis contuorns. Eir ils ogets - pitschens o eir plü gronds - sun fats our da tals materials.

Entrada libra

Fin als 4 avuost 2026

CORPORAZIUN EVANGELICA SENT**Cults divins**

DUMENGIA, 28 GÜN

Eucharistiefeier, **röm.-kath.**

19.00, deutsch/rumantsch, Pfr. Chr. Willa

Orgel: Peder Vital

DUMENGIA, 5 LÜGL

Cult divin

10.45, tudais-ch, rav. Peter Schwab

Orgel: Aita Biert

Prüm cult divin da nos nouv ravarenda-provisur

DUMENGIA, 19 LÜGL

Cult divin

10.00, tudais-ch/rumantsch, rav. Hans-Peter Mathes

Orgel: Peder Vital

DUMENGIA, 26 LÜGL

Cult divin aint in Alp Prà San Flurin

tudais-ch, cun rav. Peter Schwab e la musica da Sent

Partenza davent da Plaz a las 09.00

Las pauras ed ils pauris preparan ün brunch cun da tuottas sorts buntats.

I dependa da l'ora, i vain decis a cuorta vista schi'd es pussibel da far il cult divin, las indicaziuns (transport etc.) sun publichadas illa Lataria, pro'l turissem, illas butias ed illas chaistinas

Eucharistiefeier, röm.-kath.

19.00, deutsch/rumantsch, Pfr. Chr. Willa

Orgel: Peder Vital

DUMENGIA, 9 AVUOST

Cult divin

10.00, tudais-ch, rav. Peter Schwab

Cun battaisem da Nina Luppi

Orgel: Pasquale Bonfitto

Adressa: Corporaziun evangelica Sent

Barbla Buchli, Avant Baselgia 75, 7554 Sent, telefon 081 864 02 78, barbla.buchli@bluewin.ch, sent-reformiert.ch

FESTIVAL CUN SAL E PAIVER IN ALGORDANZA AD ANDRI

Sent | baselgia

Venderdi, als 10 e sonda als 11 da lügl 2026**10-07-26** (venderdi)

Bar (18.00-18.50)

Concert 1 (19.00-20.00)

Bar (20.00-20.50)

Concert 2 (21.00-22.00)

Bar (22.00-24.00)

11-07-26 (sonda)**Concert 3** (17.00-18.00)

Bar (18.00-18.50)

Concert 4 (19.00-20.00)

Bar (20.00-20.50)

Concert 5 (21.00-22.00)

Bar (22.00-24.00)



15 musicistAs e 38 chantadurAs concerteschan in differentas fuormaziuns ed in differents stils.

Il program detaglià es publichà sün nossa pagina d'internet www.cunsalepaiver.ch

Miriam Cipriani**Stefano Sposetti****Barbara Gisler****Cristina Janett****Curdin Janett****Madlaina Janett****Niculin Janett****Jachen Janett****Sara Bigna Janett****Gianna Lunardi****Daniel Bentz****Chasper Curò Mani****Zoi Tsokanou****Domenic Janett****Anna Staschia Janett****flöta a travers****clavazin****cello, giun, chant****cello, chant****orgel da man, giun, chant****viola, chant****sax, chant****dirigent****sopran****alt****tenor****bariton****clavazin****clarinetta****violina**

Dürant las posas ha il public l'occasiun da's rinforzar cun üna boccada o's rinfras-char cun üna bavronda in nossa bar chi's rechatta illa chasa Misoch sper la baselgia.

I dà la pussibilità da s'acquistar bigliets per singulas rapreschantaziuns, ma eir abunamaints per tuots 5 concerts. Bigliets per singuls concerts vegnan vendüts be d'ürant la chascha da la saira a partir da 60 minuts avant il concert 1 ed a partir da 30 minuts avant ils concerts 2 fin 5. Las plazzas sun numeradas.

Predschs:

1 concert 20 fr.

2 concerts 35 fr.

3 concerts 50 fr.

4 concerts 65 fr.

Abunamaints (per tuots 5 concerts): 75 fr.

Prevendita abunamaints (a partir dals 22 da gün): Gäste-Info (081 861 88 29)

Contact

Gianna Bettina Gritti | Via Sura 577 | 7554 Sent | 079 850 47 51 | giannabettina@bluewin.ch



Nus dovrain a tai per
“a Sent be rumantsch”!

“a Sent be rumantsch” ha darcheu lö!

dumengia, 8 da november – sonda, 14 da november 2026

Ils partecipants dad "a Sent be rumantsch" impromettan, chi discuorran ün'eivna a la lunga be rumantsch. Baincler, chi voul eir las sportas per pudair discuorrer.

A bunura vana a scoula, ma a mezdi vana sulets o in gruppas aint in famiglias da Sent a mangiar gantar. Davomezdi daja differentas sportas, ingiò chi pon ir a discuorrer: per exaimpel la stüva da caffè (aint illa chasa da Marianna Werro – avert eir per tuots da Sent chi güdan) obain l'aperitiv aint illa grotta da cultura e natüralmaing eir d'ürant las sportas sportivas o culturalas vain discurre be rumantsch! Ils püschains aint in lur gruppa d'abitar (Chasa Fent, Pensiunina o Alpenloft) e tschertas tschainas vegnan medemmamaing accumpagnadas dad indigens da Sent.

Perquai tscherchaina a tai! Vessast gust da gnir activ/activa d'ürant quist'eivna? Per exaimpel

- spordscher ün o tschel di o dafatta tuott'eivna il gantar per 1 - 4 personas?
- hast üna bun'idea per d'ürant la stüva da caffè (lavurs a man, preleger alch) o be cuaida d'ün caffè cun ün bun toc tuorta?
- voust dar üna baderlada aint illa grotta da cultura (ed esser preschaint quel di)?
- accumpagnessast gugent ün o tschel püschain?
- preparast plü jent üna tschaina (simpla) aint illa gruppa d'abitar?
- voust dafatta esser respunsabla/respunsabel per üna gruppa d'abitar (mincha di implir la s-chaffa fraida, postar pan pel di davo e dar ün tschütt, schi'd es tuot in uorden).

Est da la partida? Gugent piglaina incunter ti'annunzcha! - eir per ulteriuras ideas eschna averts.

No vessan grond gust scha tü ans sustegnast d'ürant l'eivna “a Sent be rumantsch” 2026 e pigliast part a “**la famiglia rumantscha da Sent**”!

Natüralmaing indemnisaina teis ingaschamaint uschè sco cha no vain fat quai infin uossa.

Ün grond grazcha fich da la gruppa d'organisaziun

Regula Felix, Cristina Gregori, Marianna Werro, Nataglia Roner ed Andri Linsel

ANNUNZCHA

Jent fetscha part a la famiglia rumantscha aint illa seguainta funcziun:

Maisa da giantar (past chod; ca. las 12.00)

1 giast 2 giasts 3 giasts 4 giasts

lündeschdi mardi marcurdi gövgia venderdi

No cuschinain eir

vegetaric vegan sainza lactosa/gluten il cuschinar extra es per no impossibel

Accompagnamaint püschain aint in üna da las gruppas d'abitar (ca. 7.30-8.30)

lündeschdi mardi marcurdi gövgia venderdi

Accompagnamaint e preparaziun tschaina (simpla, p.ex. pan e curtè, schoppa, rasada, salata) aint in üna da las gruppas d'abitar (avoir pront la tschaina ca. las 19.00)

lündeschdi mardi gövgia

Accompagnamaint "stüva da caffè" (da las 15-17)

lündeschdi mardi marcurdi gövgia eu fetsch jent üna jada üna tuorta

Accompagnamaint Grotta da cultura (da las 17-19)

lündeschdi mardi marcurdi gövgia

Eu füss gugent respunsabel/respunsabla per üna gruppa d'abitar (tuott'eivna)

Per plaschair dar resposta infin ils 15 d'avuost 2026

nom da famiglia : _____ prenom : _____

adresa: _____ , 7554 Sent

adresa e-mail: _____ numer da telefonin: _____

Las annunzchas piglia gugent eir incunter per telefon o per mail o per Whatsapp/Threema.

telefonin: 078/814 73 37 mail: regula.felix@gmx.net



FESTA DALS ASENS

ILLA TENDA

04 - 07 - 2026

SCOULA SENT, PLAZZA SURA

18:00 Ustaria cun gril

18:30 Chapella BUNTUN

22:00 Bal cun DJ DILLON RUNE

